



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆՆ ԱՌԸՆԹԵՐ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

Ն Ա Խ Ա Գ Ա Հ

ք. Երևան-0015, Մ. Խորենացու 3, 7

Տ Ե Ղ Ե Կ Ա Ն Ք

«Եվրասիական տնտեսական միության մասին» 2014 թվականի մայիսի 29-ի պայմանագրում և Եվրասիական տնտեսական միության իրավունքի մաս կազմող առանձին միջազգային պայմանագրերում փոփոխություններ կատարելու մասին» արձանագրության ստորագրման նպատակահարմարության մասին

Ներկայումս Եվրասիական տնտեսական միության տարածքում մաքսային իրավահարաբերությունները կարգավորվում են 2009 թվականի նոյեմբերի 27-ին ընդունված Մաքսային միության մաքսային օրենսգրքով և թվով 21 միջազգային պայմանագրերով:

«Եվրասիական տնտեսական միության մաքսային օրենսգրքի մասին» պայմանագրի ընդունման հետ կապված՝ անհրաժեշտություն է առաջացել կատարել համապատասխան փոփոխություններ «Եվրասիական տնտեսական միության մասին» 2014 թվականի մայիսի 29-ի պայմանագրում և Եվրասիական տնտեսական միության իրավունքի մաս կազմող՝ մաքսային կարգավորման ոլորտին առնչվող միջազգային պայմանագրերում: «Եվրասիական տնտեսական միության մասին» 2014 թվականի մայիսի 29-ի պայմանագրում և Եվրասիական տնտեսական միության իրավունքի մաս կազմող առանձին միջազգային պայմանագրերում փոփոխություններ կատարելու մասին» արձանագրությունը (այսուհետ՝ Արձանագրություն) հանդիսանում է միջպետական պայմանագիր, որի կողմերն են Եվրասիական տնտեսական միության անդամ պետությունները:

Արձանագրությունը կազմված է 2 հոդվածից և Հավելվածից:

Արձանագրությամբ նախատեսվող փոփոխությունները վերաբերվում են «Եվրասիական տնտեսական միության մասին» 2014 թվականի մայիսի 29-ի պայմանագրին կից «Ներմուծման մաքսատուրքերի (համարժեք այլ տուրքերի, հարկերի և հավաքագրումների) գումարները հաշվեգրելու և բաշխելու, դրանք որպես եկամուտ անդամ պետությունների բյուջեներ փոխանցելու կարգի վերաբերյալ» (Հավելված 5) և «Հատուկ, հակազնագցման, փոխհատուցման տուրքերի հաշվեգրման և բաշխման մասին» (Հավելված 8) արձանագրություններին, ինչպես նաև

